

TRUK DISTRICT CONGRESS

EU NOPWUNGUN EWE AWONUWEN CONGRESS, 1962

PUBLIC LAW NO. 6 - 4

EU ANNUK SENI EWE TRUK DISTRICT CONGRESS A FORI TAKISESIN CHUMONG PISEK

E PWE PWUNG me non ewe Awonuwen Mwichen Congress non ar mwich, Pwe

Tetten 1. Fan iten ei annuk, aramas meinisin, eu mwichen aramas, mwichen company pwan ekkewe sakkun mwich mei fori ekkewe sakkun angangen pisinis re pwe issetiu ewe takisesin chumong ngeni ewe District Treasurer non ekkei aukuk mei mak fan:

- (a) Supwa meinisin tiwenon chok ewe supwa mei awewetiu non Public Law No. 4-5, e pwe 20% takisesin seni taropwen ukukun pisek (invoice).
- (b) Sakkun pisek meinisin pwan ekkewe pisekin amomo meinisin chinon chok ekkewe minen mwongo fan iten aramas me man e pwe takises won 5% taropwen ukukun pisek iwe nge ekkewe minen un sia eita pwe mei pwetete (soft drinks) resap nom non ekkei tettenin mwongo; pwan ekkewe pio me ekkewe sakau pochokkun (whisky) re pwe tiweu seni ei annukun takises.

Tetten 2. Pisek ra chumong fan iten angangen Mwun Trust Territory me Mwun fonu me ekkewe keangen government pwan ekkewe mwichen namenam re pwe pichono seni ei annuk.

Tetten 3. Ekkei takises mei awewetiu e pwe kamotiu ren ewe District Treasurer esap nap seni 15 ran mwirin ar angei taropwen ar pisek seni ekkewe chon katou pisek ika ese mwumwu me non ei annuk. Ekkewe takises a kamotiu mwirin 15 ran mwirin ra angei taropwen ekkewe pisek, sipwene apasa pwe a mangeno pwan pakking won 10% e pwe pachengeni ewe aukukun takises a mang pwan ese kamotiu.

Tetten 4. Emon are ekkoch aramas mei atai pungun ei annuk re pwe tipis non ukukun tipisin minne a apasa non Tetten 1146 me non ewe Trust Territory Code.

Ei annuk e pwe ataieno pochokkun ewe District Order No. 1-54.

Annetata: /s/ Chiro Albert
Ren iten Endy Dois, Secretary
Truk District Congress

Signed: /s/ Raymond Setik
Raymond Setik, President
Truk District Congress

Kapunguno: 21 December, 1962

Kapunguno: 3 January, 1963

/s/ Robert Halvorsen
Robert Halvorsen
District Administrator, Truk

/s/ M. W. Goding
M. W. Goding, High Commissioner
Trust Territory of the Pacific
Islands